

五礼通考

第十二册

五禮通考卷第二百三十

內廷供奉禮部侍郎金寶泰纂輯

李太保總纂禮部郎中城方觀承同訂

翰林院編修嘉慶錢大昕參校

賓禮十一

諸侯遣使交聘

儀禮聘禮

鄭目錄云大問曰聘諸侯相於久無事使卿相問之禮小聘使大夫周禮曰凡諸侯之邦交歲相問也殷相聘也世相朝也於五禮

屬賓禮

疏大行人云王公九介侯伯七介子男五介諸侯之卿各下其君二等

上公七介侯伯五介子男三介若小聘使大夫又下其卿二等此聘禮是侯伯之

卿太聘以其經云五介又及竟張

旌孤卿建旌據侯伯之卿之聘也

盛氏世佐曰此篇所陳主次國大聘之禮然以是而差次之則大國小國之大

聘及凡諸侯之小聘皆可而覲其畧矣凡言諸侯之邦交惟同方嶽者耳非

盡于八百國而相爲朝聘也夫同在方嶽之內而一往一來

以親仁善鄰恤小事大此情之所不能已而禮之最鉅者也

聘禮君與卿圖事

注圖謀也謀聘故及可使者謀事者必因朝其位君南面卿西面大夫北面士東面

聘故謂有事故或因聘或特行記云若有故則卒聘束帛加書將命是因聘者也

晉侯使韓穿來言汶陽之田之類是特行者也可使者謂於三卿之中選可使者

也儀禮之內見諸侯三朝燕朝燕禮是也射朝大射是也不見路門外正朝正朝

當與二朝面位同燕禮大射皆云卿西面大夫北面士東面公降階南面揖之是

以知正朝而位然也

遂命使者

注遂猶困也既謀其人困命之也聘使卿疏人亦在謀事之中故云困命

使者再拜

稽首辭

注辭以不敏

君不許乃退

注退反位也受命者必進

敖氏繼公曰使者少進北面乃拜君親命之故拜而後辭也君不許其辭故不答拜使者亦當許而後退

欽定義疏使者許諾而退不再拜稽首者辭時已拜也

此所謂一辭而許曰禮辭者使於四方不辱君命人

臣之素志也

既圖事成上介亦如之

注既已也戒猶命也已謀事乃命上介難於使者易於介

李氏如圭曰介副也上介使大夫

敖氏繼公曰使者言命上介言戒異尊卑也如其禮辭也使與介必辭者不敢以專對才自許謙敬也凡聘使有故則上介攝其事

宰命司馬戒眾介眾介皆逆命不

辭注宰上卿貳君事者也諸侯謂司徒爲宰眾介者士

也士屬司馬周禮司馬之屬司士掌作士適四方使爲介逆猶受也疏天子有六卿天地四時之官諸侯兼官有三卿立地官司徒兼冢宰立夏官司馬兼春官

立冬官司空兼秋官故諸侯謂司徒爲宰也不辭者賤不敢辭

敖氏繼公曰眾介受命亦當再拜稽首

# 蕙田案以上命使介

宰書幣

注書聘所用幣多少也宰又掌制國之用  
疏謂聘鄰國享君及夫人問卿之等幣

敖氏繼公曰周官冢宰以九式均節  
財用六曰幣帛之式故此主書幣也

命宰夫官具

注宰夫宰之屬也命之  
使眾官具幣及所宜齎

張氏爾岐曰命之者宰也宰既書用幣之數遂  
命宰夫使官具之周禮宰夫掌百官府之徵令

# 蕙田案以上具幣齎

及期夕幣

注及猶至也夕幣先行之  
日夕陳幣而視之重聘也

敖氏繼公曰此云及期則上亦  
當有請期告期之禮文畧耳

楊氏復曰夕幣之禮夕陳幣以授使者然授幣而未授圭何也圭聘禮之重者  
也不可以預授侯使者釋幣於禰釋幣於行乃遂載旌帥眾介以授命於朝於  
是君朝服南鄉而授之  
以圭所以謹之重之也

使者朝服帥眾介夕

注視其  
事也

盛氏世佐曰此暮夕於君而君臣  
皆朝服重其事也常時夕元端

管人布幕于寢門外

注管猶館也館人謂掌次舍帷幕者也布幕以承幣  
寢門外朝也疏寢門外朝謂路門外即正朝處

張氏爾岐曰幕非在上之  
幕乃布之地以爲藉者

官陳幣皮北首西上加其奉於左皮上馬則北面奠幣

於其前

注奉所奉以致命謂東帛及元纁也馬言則者此享主用皮或時用馬  
馬入則在幕南皮馬皆乘疏官陳幣即上文官具者也館人布幕於

地官陳幣於其上所奉謂後享時奉入以致命東帛加璧以享君  
元纁加琮以享夫人鄭不言璧琮者璧琮不陳厥明乃授之也

敖氏繼公曰北首變於執也西上放設時之位也左皮尊故加幣於其上馬入  
則亦右牽之前謂左馬之前幕之上也此皮若馬之位其享主君者在西享夫  
人者

在東

使者北面眾介立于其左東上

注既受行同位也位在幕南疏  
未受行已前卿大夫士面位各異

卿大夫在幕東西面北上

注大夫西面時使者疏此謂處者大  
夫常北面今與卿同西面故云辟使者宰

入告具于君君朝服出門左南鄉

注入告入  
路門而告

李氏如圭曰出門  
而左君在東也

史讀書展幣

注展猶校錄也史幕東西面讀書賈人坐撫其幣每者曰左必  
西面者欲君與使者俱見之也疏賈人當在幕西東面撫之

敖氏繼公曰書謂享  
幣之數書於方者也

宰執書告備具于君授使者使者受書授上介

注史展幣  
畢以書還

授宰宰既告備以授使者其受授皆北面〔疏〕授受皆北面者當率以書授使者公

者之時率來至使者之東北面授使者使者北面授介三者皆北面向君故也

揖入〔注〕揖禮羣臣〔疏〕以展幣授使者訖禮畢故入於寢也官載其幣舍于朝〔注〕待旦行也〔疏〕官

幣者異前官陳

上介視載者〔注〕監其安處之畢乃出〔疏〕言上介出所受書以行

〔注〕為當復展

敖氏繼公曰所受書謂上介所受於使者也別言以行見其不與幣同處

觀承案上介所受二條當作一氣讀蓋視字

雙綰乃視其所載之物所受之書以驗其相

符否也義疏甚明似宜遵之

蕙田案以上授使幣

厥明賓朝服釋幣于禰〔注〕告為君使也賓使者謂之賓尊之也天子諸

如祭〔疏〕朝服者卿大夫朝服祭故還服朝服告也大夫三廟降天子諸侯不得並告故直告禰而已若父在則告祖釋幣於祖廟告無牲直用幣而已執幣須潔

當有洗以盥手其設洗如祭祀之時有司筵几於室中祝先入主人從入主人



在右再拜祝告又再拜

注更云主人者廟中之稱也祝告以主人將行也

釋幣制元纁

束奠於几下出

注祝釋之也凡物十日束元纁之率元居三纁居二朝貢

禮云純四只制丈八尺疏元三纁二率皆如此也純謂

幅之廣狹制謂舒之長短周禮趙商問只長八寸四八三十二幅廣三尺二寸大廣非其度鄭君答云古積畫悞爲四當爲三三咫則二尺四寸矣漢記云納幣一束束五兩兩五尋然則每卷二丈若作制幣者每卷丈八尺爲制合卷爲匹也

張氏爾岐曰制元纁束者丈

八尺之元纁其數十卷也

主人立於戶東祝立於牖西

注少頃之問示有俟於神

又入取幣降卷幣

實於筭埋於西階東

注又入者祝也埋幣必盛以器若藏之然

敖氏繼公曰幣必埋之者神物不欲令人褻之

又釋幣於行

注告將行也行者之先其古人之名未聞天子諸侯有常祀在冬大夫三祀曰門曰行曰厲喪禮有毀宗臘行出於大門則行

神之位在廟門外西方不言埋幣可知也今時民春秋祭祀有行神古之遺禮乎  
疏天子諸侯常祀在冬月令祀行是也大夫雖三祀有行無常祀因行使始出有告禮而已此謂平治道路之神至於出城又有報祭祭山川之神諭無險難也祭山川之神有報壇此祭行神亦當有報壇月令注云行至廟門外之西爲報壇厚二寸廣五尺輪四尺是也

敖氏繼公曰此釋幣之儀與室中者異故不蒙如之也

遂受命

注賓須介來乃受命也言遂者明自是不復入

上介釋幣亦

如之

注如其於  
禰與行

欽定義疏眾介不釋幣職輕且辟大夫禮也

蕙田案以上將行告禰及行

上介及眾介俟於使者之門外

注俟待也待於門外東面北

使者

載壇帥以受命於朝

注壇旌旗屬也載之者所以表識其事也周禮曰通

疏諸侯三門皋應路路門外有常朝位下文君臣皆朝列  
位乃使卿進使者使者乃入至朝即此朝門者皋門外矣

敖氏繼公曰使者  
俟命於雉門外

蕙田案諸侯三門庫雉路無皋應使者所俟

蓋庫門外也賈疏誤敖氏以爲雉門外亦非

君朝服南鄉卿大夫西面北上君使卿進使者

注進之者使  
者諫不敢必

君之終  
使已

使者入及眾介隨入北面東上君揖使者進之上

介立於其左接聞命

注進之者有命宜  
相近也接猶續也



敖氏繼公曰入入雉門而右也接聞命釋所以立於其左之意其實此時君不發命也上介必接聞命者為使者或有故則上介攝使事宜與聞之

賈人西面坐啟櫝取圭垂纁不起而授宰

注賈人在官知物賈者纁所以藉圭

也其或拜則奠於其上今文纁作璫疏纁有二種一者以木為中幹以韋衣之天子五采公侯伯三采子男二采采為再行下記及典瑞皆有其文此為纁也下記云絢組尺鄭亦謂之纁若韋版為之者莫玉於上此則無垂纁屈纁之事若絢組為之者所以繫玉於韋版使不失墜此乃有屈垂之法則此經所云是也鄭以承玉繫玉二者所據雖異所用相將是以和合解之

朱子曰今案在官上疑有庶人二字

敖氏繼公曰纁以帛為之表元裏纁所以藉玉而又揜其上者也垂纁謂開之也開而不揜則其纁垂授玉不起賤者宜白別也宰於其右亦坐受之

高氏愈曰垂纁以示文屈纁以示敬

宰執圭屈纁自公左授使者

注屈纁者敬之禮以相變為敬也自公左贊幣之義疏儀云詔辭自右贊

幣自左

敖氏繼公曰屈纁以纁揜玉之上也揜之則其纁屈

欽定義疏此時宰使者皆裼不襲執玉當襲而不襲者以非正行聘故第率其常服也

使者受圭同面垂纁以受命

注同面者宰就使者北面並授之既授之而君出命矣凡授受者授由其右受

由其左

既述命同面授上介

注述命者循君之言重失誤

敖氏繼公曰此授受皆同面別於聘時賓主之儀也

上介受圭屈纁出授賈人眾介不從

注賈人將行者在門外北面上介送圭向外與

賈人反來故眾介不從以待之云賈人將行者對上賈人出玉是留者也

受享束帛加璧受夫人之聘璋

享元纁束帛加琮皆如初

注享獻也既聘又獻所以厚恩惠也帛今之璧色縉也夫人亦有聘享者以其與已

同體爲國小君也其聘用璋取其半圭也君享用璧夫人用琮天地配合之象也圭璋特達瑞也璧琮有加往德也周禮曰琮圭璋璧琮以類聘疏此經中三事上經已受聘君圭此經受享君束帛加璧又受聘夫人璋又受享夫人琮上文官陳幣不陳璧琮是以此經受璧連言束帛元纁者以相配之物故兼言之也

蕙田案享君之束帛經無明文鄭以爲與璧

色同亦未詳何色盛世佐以爲色素亦恐未

然故闕之

遂行舍於郊

注於此脫舍衣服乃卽道也曲禮曰凡爲君使已受命君言不宿於家疏脫舍朝服服深衣而行

欽定義疏舍謂止宿於館也舍郊猶云宿於郊耳注謂

脫舍衣服謬也

蕙田案賈疏謂在道脫朝服服深衣可補經文之闕然以解經文舍字則太鑿矣

斂旻

注此行道耳未有事也斂藏也

蕙田案以上受命遂行

若過邦至於竟使次介假道束帛將命於朝曰請帥奠

幣

注至竟而假道諸侯以國爲家不敢直徑也將猶奉也帥猶道也請道已道路所當由

敖氏繼公曰假道禮輕故使次介奠幣者賤不敢授也

下大夫取以入告出許遂受幣

注言遂者明受其幣非爲許故也容其辭讓不得命也

餼之

以其禮上賓大牢積唯芻禾介皆有餼

注凡賜人以牲生曰餼餼猶稟也給也以其禮

者尊卑有常差也常差者上賓上介牲用大牢羣介用少牢米皆百筥牲陳於門內之西北面米設於中庭上賓上介致之以束帛羣介則牽羊焉上賓有禾十車芻二十車禾以秣馬

李氏心傳曰賓大牢則介不得用大牢積唯芻禾則無米可見矣

張氏爾岐曰積唯芻禾謂所致之積  
唯芻與禾無米車也介但有餽無積

蕙田案李氏張氏之說極是

觀承案下文致館授飧眾介皆少牢則上介  
與上賓俱大牢可知故此注謂上賓上介皆  
大牢也然經文但云上賓大牢而無上介之  
文下但云介皆有餽而已則李氏駁之良是  
況下經上介雖亦大牢止飪一牢而鼎已減  
二又無腥一牢則禮數豈得與上賓同哉

士帥沒其竟

注沒盡

郝氏敬曰遣士引  
導盡彼國界也

欽定義疏夏官候人以士爲之周語候人爲導卽此士  
也

誓於其竟賓南面上介西面眾介北面東上史讀書司

馬執筴立於其後

注此使次介假道止而誓也賓南面專威信也史於眾介之前北面讀書以勒告士眾爲其犯禮暴掠也禮君

行師從卿行旅從司馬主軍法者執策示罰疏此誓當在使次介假道之時止而誓言因上說彼國禮法訖乃更卻本而言之不謂此士帥沒竟後

### 蕙田案以上過他邦假道

未入竟壹肆

注謂於所聘之國竟也肆習也習聘之威儀重失誤

爲壇壇畫階帷其北無

宮

注壇土象壇也帷其北宜有所鄉依也無宮不壇土畫外垣也疏案觀禮與司儀同爲壇三成宮方三百步此則無外宮其壇壇土爲之無成又無尺數象

已之而

敖氏繼公曰必畫階

者習升降之儀也

張氏爾岐曰案廣韻壇埒也壇也蓋壇之形埒也壇須築土高厚有階級壇則畧除地聚土令有形埒而已此壇壇兼言壇亦有壇名也

朝服無主無執也

注不立主人主人尊也不執玉不敢褻也徒習其威儀而已

蕙田案道路常服深衣至是易朝服者以習

儀重之也不皮弁下於聘也敖氏以爲常服

朝服者非

介皆與北面西上

注入門左之位也疏不習大門外內及廟門內之禮者以其於外威儀少而易行故畧之但習入廟聘享揖



讓升降布幣受王之禮是以直云北面西上之位也

習享士執庭實

注士士介也庭實必執之者皮則有攝張之節

習夫

人之聘享亦如之習公事不習私事

注公事致命者也

疏公事謂君聘享夫人聘享及

問大夫皆致命者也私事謂私覲於君私面於卿大夫

### 蕙田案以上習儀

及竟張旌誓

注及至也張旌明事在此國也張旌謂使人維之

敵氏繼公曰誓之儀亦如初

乃謁關人

注謁告也古者竟上爲關以譏異服識異言周禮司關職云凡四方之賓客叩關則爲之告

關人問從

者幾人

注欲知聘問且爲有司當共委積之具卑不敢輕問尊者故問從者即知使者是大聘是小聘

疏不問使人而問從者關人

小聘當百人從也

以介對

注以所與受命者對謙也聘禮上公之使者七介侯伯之使者五介子男之使者三介以其代君交於列國是以貴

之周禮曰凡諸侯之卿其禮各下其君二等

敖氏繼公曰以介數對則人數亦在其中若侯伯之國介者五人則知使者之爲卿而從者五百人矣

君使士請事遂以入竟

注請猶問也問所爲來之故也遂以入因道之疏君得關人告即知爲聘來而云使士請事

君子不必人故知而猶問也向來賓之問猶停關外君使士請訖乃道以入竟



蕙田案以上入竟

入竟歛壇乃展

注復校錄幣重其事歛壇變於始入疏重其事者亦恐有脫漏失錯

布幕賓朝服立

於幕東西面介皆北面東上賈人北面坐拭圭

注拭清也側幕而坐

乃開橫疏賓西面者雖不對君由是臣道異於前誓時示威信也

敖氏繼公曰拭圭者就

橫拭之故下乃云執

盛氏世佐曰經云介皆北面東上則上

介與眾竝立也及視圭之時上介少進

遂執展之

注持之而立告在

上介北面視之退復位

注言退復位則視圭進遠位

退

圭

注圭璋尊不陳之

敖氏繼公曰退之者其展事畢也退則藏之於橫與

陳皮北首西上又拭璧展之會諸其幣加於左皮上上

介視之退

注會合也諸於也古文曰陳幣北首言合諸幣者享時當合故今亦合而陳之

疏壁

盛氏世佐曰上介既復位賈人亦退壁而藏之有司退皮幣

馬則幕南北面奠幣於其前

注當前幕上

敖氏繼公曰亦以  
壁會於幣乃莫之

展夫人之聘享亦如之賈人告於上介上介告於賓

注展夫人

之聘享上介不視貶於君也賈人既拭璋琮南面告於上介上介於是乃東面以告賓亦所謂放而文之類

欽定義疏鄭以夫人聘享上介不視非也君與夫人聘  
享前受命與下致命禮儀並與君同入竟而展無不  
視之理經明言亦如之何獨異乎

蕙田案告者告展幣畢也兼君與夫人之聘  
享而言注以此文專指夫人言者非

有司展羣幣以告

注羣幣私覲及大夫者有司載幣者自展自告

敖氏繼公曰有司自展既則告上介上介以告於賓此皮幣蓋不陳於幕辟君禮也

及郊又展如初

注郊遠郊也周制天子畿內千里遠郊百里以此差之遠郊上公五十里侯伯三十里子男十里也近郊各半之

及館展幣於賈人之館如初

注館舍也遠郊之內有候館可以小休止沐浴展幣不於賓館者爲主國之人

有勞問已者就焉便疾也疏諸侯遣臣相聘無過一勞下文使卿近郊勞此乃遠郊之內得有勞問者謂同姓舅甥之國加恩厚者別有遠郊之內問勞也

蕙田案以上入竟展幣

賓至於近郊張旌君使下大夫請行反君使卿朝服用

束帛勞

注請行問所之也雖知之謙不必也士請事大夫請行卿勞彌尊賓也其服皆朝服

敖氏繼公曰勞使卿以其爵同也主君於朝君則親郊勞故此禮放之而以同班蓋行禮欲其稱也下凡使卿者其義皆然

上介出請入告賓禮辭迎於舍門之外再拜

注出請出門西面請所以來事

也入告入北面告賓也每所及至皆有舍其有來者與皆出請入告於此言之者賓彌尊事彌錄疏此時賓當在賓館降階西面故上介北面告賓也

朱子曰注中與字陸氏音餘監本作者此非疑辭不

當音餘複出者字亦無義理竊疑本介字也

勞者不答拜

注凡為人使不當其禮

賓揖先入受於舍門內

注不受於堂此主於侯伯之臣

也公之臣受勞於堂

疏知公之臣受勞於堂者案司儀云諸公之臣相為國客及大夫郊勞三辭拜辱三讓登聽命是公之臣受勞於堂之事

勞者

奉幣入東面致命

注東面鄉賓疏賓在館如主人當入門西面故勞者東面向之也

賓北面聽命

還少退再拜稽首受幣勞者出

注北面聽命若君南面然少退象降拜

敖氏繼公曰賓入門即北面至是而言之者亦因事而見之耳受幣蓋在庭中西